

Arena Holdings le ba bangwe v SARS le Kgetsi enngwe ya Kgorotsheko ya Molaotheo ya Nomoro ya 365/21 – ya mabapi le sephiri sa motšhelo le tokelo ya phihlelelo ya tshedimošo

Tshwane, 30 Mei 2023 - Kgorotsheko ya Molaotheo e fane ka kahlolelo ya molato wa go amana le kgopelo ya go fihlelela direkhoto tše itšeng tša motšhelo tša Mopresidente wa peleng wa Repabliki ya Afrika Borwa. Kgopelo ye e dirilwe go ya ka dintlha tša Molao wa Tšwetšopele ya Phihlelelo ya Tshedimošo (PAIA) gomme kgopelo ye e ile ya ganwa ke SARS ka lebaka la gore molao o thibela SARS go phethagatša ditaba tšeo ka tsela efe goba efe.

Kgorotsheko ya Molaotheo e dirile sephetho mabapi le dipeelo tše itšeng tša PAIA gammogo le Molao wa Taolo ya Motšhelo wa 28 wa 2011 (TAA) ge go etla go tše mabapi le molaotheo. Go laoletšwe gore Palamente, mo dikgweding tše 24 tše di latelago, e tla tšea magato a go šomana le tše mabapi le molaotheo. Go bjale, le go fihlela ge Palamente e lokiša tšeo di amanego le molaotheo, Kgorotsheko e laoletše gore PAIA le Molao wa Taolo ya Motšhelo, 2011 (TAA) “e balwe ka kwešišo ya gore ditokišo tšeo di šetše di dirilwe”.

Kgorotsheko ya Molaotheo e tšwetše pele ka go fataetšo ya gore kgopelo ya direkhoto tšeo go boletšwego ka tšona di swanetše go sekegelwa tsebe ke SARS go bapana le dipeelo tša kwešišo ya gore “ditokišo tšeo di šetše di dirilwe”. Dipeelo tše di tlema SARS gore e lekole gore na ekaba:

- Ribollo ya direkhoto e tla fana ka bohlatse bjo bontši bja tlolo ya molao, go palelwa ke go obamela molao goba na ekaba
- Ribollo ya direkhoto e tla fana ka bohlatse bjo bo tla beago tšhireletšo ya setšhaba kotsing ya tša tikologo, goba na ekaba
- Kgatlhego ya setšhaba ka go dira tsebagatšo ye e na le maatla go feta kotsi ye e ka diregago na.

Mola SARS e lebelelana le kgopelo ya kahlolelo ka botlalo, Khomišinare o rata go tšweletša maikutlo a gore sephiri sa molefela motšhelo se dula se le taolo ya rena. Kahlolelo ye ga e bee le thoko dipeelo tša sephiri sa molefela motšhelo. E fana ka morumo wa godimo mabapi le phihlelelo ya direkhoto tša molefela motšhelo.

Khomišinare Kieswetter o boletše gore: ***“Re hlomphe diphetho tša Kgorotsheko, gomme re sa ja marapo a hlogo go lekodišiša ditlamorago tša se go SARS le go balefela motšhelo. Ke rata go holofetša balefela motšhelo ka moka gore kgopelo efe goba efe yeo e dirwago e tšwang ka fase ga PAIA ya mabapi le direkhoto tša molefela motšhelo e tlo sekasekwa ka bohlale go ya ka dipeelo tšeo di beilwego ke Kgorotsheko ya Molaotheo. Re swanetše re ele hloko ka go šetša tšhomišompe efe goba efe ya tlolo ya dipeelo tšeo di beetšwego ke Kgorotsheko ya Molaotheo.”***

Go hwetša tshedimošo enngwe ka kgopelo ikgokaganye le SARSMedia@sars.gov.za